



Bilten Saveza općina i gradova Federacije Bosne i Hercegovine



Godina: XVIII

Datum: 29.01.2021.

Broj: 271

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši suradnik za finansijska pitanja
gregor.juriscic@sogfbih.ba

• CENTAR ZA VODNE USLUGE:

Amir Kupusija, viši saradnik za projekte
amir@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmemed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

ODRŽANA 13. SJEDNICA PREDSDJEDNIŠTVA SKUPŠTINE SAVEZA

Trinaesta sjednica Predsjedništva Skupštine Saveza općina i gradova Federacije BiH održana je u srijedu, 27.01.2021. godine, u Hotelu Malak Regency na Ilidži.

Predsjedništvo Saveza je na ovoj sjednici upoznao sa aktivnostima vezanim za izradu konačnog stava o Nacrtu Zakona o građevinskom zemljištu FBiH usvojenog od strane oba doma Parlamenta Federacije BiH, kao i o izrađenom Prednacrtu Zakona o sistemu zaštite i spašavanja i civilnoj zaštiti u FBiH u čijoj izradi je Savez učestvovao kroz učešće tri predstavnika u radnoj grupi.

U pogledu Zakona o građevinskom zemljištu, donesen je zaključak da se podržava predloženi Nacrt zakona uz zahtjev da se prvenstveno riješi status zemljišta koje je upisano na javna preduzeća a koje ta javna preduzeća nisu pribavila iz vlastitih sredstava. Prihvaćen je prijedlog da te takva zemljišta upišu na jedinice lokalne samouprave na čijem se teritoriju nalaze.

Prednacrt Zakona o sistemu zaštite i spašavanja i civilnoj zaštiti u FBiH izradila je Radna grupa koju je formirala Federalna uprava civilne zaštite. Predsjedništvo je podržalo stav Komisije za ustavna i zakonodavna pitanja Saveza o prihvatanju ovog prednacrtu uz dodatni zahtjev koji se odnosi na razmatranje mogućnosti da se naplata sredstava u iznosu od 0,5% od osnovice isplaćene neto plaće zaposlenika naplaćuje po principu prebivališta radnika, a ne po principu sjedišta poslodavca. Također, članovi Predsjedništva su raspravljali o rukovodstvu općinskih štabova civilne zaštite i istakli da funkciju komandanta općinskog štaba civilne zaštite treba da vrši stručno lice a ne nužno načelnik općine.

Predsjedništvo je pružilo podršku inicijativi prvog zamjenika predsjedavajućeg Predstavničkog doma Parlamentarne skupštine BiH Denisa Zvizdića kojom bi se zakonskim propisom riješilo pitanje neperspektivne nepokretne vojne imovine na način da institucije vlasti od države, entiteta i kantona uzmu sve što im je potrebno i mogu staviti u funkciju, a ono što preostane da se upiše u vlasništvo općina.

Na ovoj sjednici su imenovani i predstavnici Saveza u Kongres regionalnih i lokalnih vlasti Vijeća Evrope.

Članovi Predsjedništva su također upoznati o predstojećim sastancima na nivou kantona/županija na kojima će općine/gradovi predlagati kandidate u organe i tijela Saveza u cilju pripreme Izborne skupštine Saveza.



Sa sjednice Predsjedništva Skupštine Saveza

SAVEZ OPĆINA I GRADOVA FBiH URUČIO DONACIJU UDRUŽENJU "FUTURA" IZ GRAČANICE



U sklopu projekta "Jačanje lokalnih kapaciteta za implementaciju Agende 2030 i principa Nikoga ne zapostavlja", Savez općina i gradova Federacije Bosne i Hercegovine je u subotu, 16. januara 2021. godine uručio vrijednu donaciju Gradu Gračanici i Udruženju roditelja, djece i omladine sa poteškoćama u razvoju "Futura".

Udruženju "Futura" su dodjeljeni tableti, laptop, zaštitne maske, rukavice, sredstava za dezinfekciju i brojne edukativne i društvene igre.

Projekat provodi Mreža asocijacija lokalnih vlasti Jugoistočne Evrope - Nalas uz podršku GIZ-a (Njemačko društvo za međunarodnu saradnju).

Cilj projekta je pružanje podrške i pomoći najugroženijim grupama stanovništva u Federaciji Bosne i Hercegovine.

giz

FEDERALNA VLADA PRIHVATILA INICIJATIVU DA BOSANSKA KRUPA DOBIJE STATUS GRADA

Federalna vlada je na 251. sjednici, od 14.01.2021. godine prihvatila inicijativu za izradu i donošenje Zakona o Gradu Bosanska Krupa, koju je podnijela ova sadašnja općina.

U obrazloženju inicijative navedeno je da Općina Bosanska Krupa ima bogato kulturno-historijsko i prirodno naslijeđe, te da je njeno područje bilo naseljeno još u prahistoriji. Komisija za očuvanje nacionalnih spomenika BiH je Tvrdavu, Stari grad Jezerski i Filijalnu crkvu Blažene djevice Marije u Bosanskoj Krupi proglasila nacionalnim spomenicima. Stoga je Vlada utvrdila da Bosanska Krupa ispunjava uslov da gradom bude proglašena kao općina od posebnog historijskog i kulturnog značaja, a u skladu s članom 5. stav 4. Zakonom o principima lokalne samouprave u FBiH, a Federalno ministarstvo pravde odredila je kao nosioca izrade nacrtu zakona.



Sa sjednice Vlade FBiH

Federalna vlada je utvrdila da Bosanska Krupa ispunjava uslov da gradom bude proglašena kao općina od posebnog historijskog i kulturnog značaja

U 2021. BESPLATNA ČLANARINA U GRADSKOG BIBLIOTECI KAKANJ

U 2021. godini besplatna članarina za sve građane u Gradskoj biblioteci Kakanj, članarinu plaća Općina Kakanj, javljaju iz Press službe Općine.

U 2021. godini članarina u Gradskoj biblioteci u Kakanju će za sve one koji se učlane biti besplatna jer će sve troškove članarine platiti Općina Kakanj. Naime, načelnik Općine Kakanj Mirnes Bajtarević je donio odluku da se članarina za sve građane plati budžetskim novcem.

"Pozivam građane da što više koriste usluge bogate riznice pisane riječi koja je sa svojim blagom kojeg čuva i svojim vrijednom radom postala poznata izvan lokalnih okvira", rekao je načelnik Općine Kakanj Mirnes Bajtarević.

Poseban cilj je učlanjenje što većeg broja učenika osnovnih škola obzirom na činjenicu da Gradska biblioteka može adekvatno odgovoriti u svim slučajevima kada školske biblioteke imaju manji broj traženih knjiga u odnosu na potrebe učenika.



Grb Općine Kakanj

ODRŽAN SASTANAK O PRIPREMI TRILATERALNE SURADNJE

LIVNO, 19.01.2021. - Danas je u zgradi Vlade Hercegbosanske županije održan radni sastanak predsjednika Vlade HBŽ, Ivana Vukadina, ministra financija, Draška Dalića, ministra poljoprivrede, vodoprivrede i šumarstva HBŽ, Bože Perića i pomoćnice tajnika Vlade za razvoj, Ivane Mišković sa općinskim i gradskim načelnicima o temi trilateralne suradnje između Ministarstva vanjskih i europskih poslova Republike Hrvatske, države Izrael i tri županije u Bosni i Hercegovini koje su naslonjene na teritorij Republike Hrvatske najdužom granicom, a to su Hercegbosanska županija, Zapadno-hercegovačka županija i Posavska županija.



Sa sastanka u Vladi HBŽ

Tri smjera zajedničke suradnje o kojima se razgovaralo sa Ministarstvom za europske i vanjske poslove Republike Hrvatske i Agencijom za međunarodnu suradnju države Izrael (MASHAV) su razvoj poljoprivrede naslonjen na melioraciju polja Cetinskog sliva, razvoj socijalnog sektora i obrazovanje. Razgovori o strateškim odrednicama i potencijalnoj razvojnoj suradnji na današnjem sastanku išli su u smjeru prepoznavanja razvojnih izazova na području Hercegbosanske županije na koji će se budući projekt odnositi.

Nakon što se održe i dodatni radni sastanci s predstavnicima ostalih zainteresiranih strana, do početka veljače kad je planirana službena posjeta predstavnika Izraela i Republike Hrvatske, bit će pripremljen zajednički Projekt trilateralne suradnje.

ODRŽAN SASTANAK OPĆINSKIH NAČELNIKA SA MINISTROM PRIVREDE KANTONA SARAJEVO

Ministar privrede Kantona Sarajevo Adnan Delić održao je 27.01.2021. sastanak sa načelnicima općina u Kantonu Sarajevo, u cilju dogovora o budućoj saradnji i utrošku sredstava za privredu u ovoj budžetskoj godini, sa fokusom na industrijsko-poslovne zone, poljoprivredu, vodoprivredu i šumarstvo.



Ministar je informisao načelnike da će budžetom KS za ovu godinu biti planirana veća sredstva za industrijsko-poslovne zone.

Istakao je kako je neophodno što prije dostaviti projekte u ovoj oblasti resornom ministarstvu kako bi sredstva mogla biti implementirana. Osim za opremanje industrijskih zona, veći iznos sredstava neophodno je usmjeriti i za rješavanje imovinsko-pravnih odnosa kako bi se te zone mogle širiti. Općinama će biti pružena pomoć i u izradi neophodne projektne dokumentacije za otvaranje novih poslovno-industrijskih zona. Na području općine Vogošća planirano je otvaranje treće po redu industrijske zone.

Naglašeno je i kako su Programom utroška namjenskih sredstava u ovoj godini planirana veća izdvajanja za oblast poljoprivrede. Danas je ukazano na brojne probleme u implementaciji sredstava koja su izdvajana za poljoprivredu do sada, te je istaknuto kako se moraju harmonizirati propisi u ovoj oblasti.

Poljoprivrednicima treba pomoći kroz legalizaciju poljoprivrednih objekata, pojednostavljenje procedura apliciranja na poticajna sredstva, plasman viška proizvoda, dodjelu na korištenje zemljišta koje nije proglašeno građevinskim.

Kriterije za dodjelu poticaja također bi trebalo sistemski urediti kako ne bi bilo zloupotreba. Kao jedno od rješenja navedeno je da bi se višak poljoprivrednih proizvoda mogao plasirati u robne rezerve.

"Registri dodjele svih poticaja privredi u Kantonu bit će javno dostupni na stranici Ministarstva privrede KS", najavio je ministar Delić.



Sa sastanka načelnika sa ministrom privrede KS

Teme razgovora bili su i projekti uređenja riječnih korita koji se finansiraju iz budžeta KS kroz tzv. vodne naknade, a koji će biti nastavljeni i u ovoj godini, projekti razvoja planinskog turizma, te pošumljavanja devastiranih zemljišta. Sastanku su se odazvali načelnici i predstavnici svih općina sa područja Kantona Sarajevo.

RJEŠENJE PITANJA ODLAGANJA SANITARNOG OTPADA JEDAN OD PRIORITETA LOKALNE ZAJEDNICE



Sa sastanak sa menadžmentom EKO-SEP

27.01.2020. Projekat izgradnje međuopćinske sanitarne deponije "Separacija 1" za Općinu Banovići nema alternativu i ostat će na listi prioriteta za svaki vid podrške, istaknuto je na današnjem sastanku općinskog načelnika dr. Bege Gutića sa menadžmentom Javnog preduzeća EKO-SEP d.o.o. Živinice koje realizuje ovaj projekat.

S ciljem dugoročnog rješavanja problema odlaganja otpada na području općine Banovići, lokalna zajednica je donijela

odluku da se uključi u međuopćinski projekat izgradnje sanitarne deponije pod nazivom „Separacija 1“. Izgradnja deponije je počela krajem prošle godine na teritoriji Grada Živinice, radovi teku dobrom dinamikom i trebali bi biti završeni u roku od 13 mjeseci, odnosno krajem 2021. godine.

Projekat regionalne sanitarne deponije "Separacija 1" realizuju tri lokalne zajednice Banovići, Živinice i Kladanj. U projektu učestvuje Grad Živinice sa 60%, Općina Banovići sa 30% i Općina Kladanja sa 10%.

Vrijednost izgradnje prve faze projekta je 7,5 miliona, od čega je 5 miliona obezbijeđeno kao zajam od Evropske banke koja je osigurala i 2,5 miliona garant sredstava.

Danas je razgovarano i to tekućim pitanjima u radu EKO-SEP-a, o uključivanju još nekoliko općina u ovaj projekat, načinu formiranja cijena za odlaganje otpada, izgradnji sortirnice, odnosno drugoj fazi projekat i drugim pitanjima.

Projekat regionalne sanitarne deponije "Separacija 1" realizuju tri lokalne zajednice Banovići, Živinice i Kladanj. U projektu učestvuje Grad Živinice sa 60%, Općina Banovići sa 30% i Općina Kladanja sa 10%.

ZENICA USKORO DOBIVA SOLARNE KLUPE, PAMETNA AUTOBUSKA STAJALIŠTA I URBANE VRTOVE

Grad Zenica će uskoro dobiti deset solarnih klupa koje omogućavaju napajanje mobitela ili tableta te pružanje usluga interneta.

Ugovor o nabavci i ugradnji solarnih klupa Grad Zenica zaključio je sa firmom „ELMEX“ d.o.o. Ljubuški čija vrijednost iznosi 32.760,00 KM. Klupe će biti postavljene u februaru na nekoliko frekventnih lokacija u gradu.

Osim ovog projekta, u toku su procedure nabavki „pametnih“ autobuskih stajališta i modularnih urbanih vrtova.

Nabavka autobuskih stajališta podrazumijeva nabavku i ugradnju cjelokupnog autobuskog stajališta sa solarnim panelima dužine cca 9 m, USB i bežičnim punjačima, nadzornom kamerom, senzorima temperature i pritiska, klupama za sjedenje, zvučnicima i LED displejima za prikaz važnih informacija i redova vožnje i pruža uslugu besplatnog wi-fi interneta.

Predstavnici Službe za ekologiju, komunalne i inspeksijske poslove Grada Zenica su zajedno sa inženjerima Javnog preduzeća za prostorno planiranje i uređenje grada „Zenica“ d.o.o. Zenica izradili estetski izgled stajališta koje će kao takvo biti jedinstveno.

Što se tiče modularnih urbanih vrtova, oni služe kao urbani mobilijar i imaju funkciju apsorpcije zagađujućih materija iz zraka.

Modularni vrt sa sačastim strukturama sastoji se od modula za sjedenje (klupa), modula plantažera, te vertikalnih modula na koje se upliću biljke, a u prazninama se nalazi pleksiglas na kome će biti ispisane posebne ekološke poruke.

„Rekao sam da će Zenica služiti kao primjer drugim gradovima u BiH kada su u pitanju novi, moderni, pametni, ekološki projekti. Solarne klupe, pametna autobuska stajališta, urbani vrtovi su samo dio onoga što ćemo staviti na raspolaganje našim građanima. U planu nam je da zadovoljimo standarde „zelenih gradova“, a građanima Zenice život učinimo ljepšim, kvalitetnijim i zdravstveno sigurnijim“, kazao je Fuad Kasumović, gradonačelnik Zenice.



Solarna klupa

„U planu nam je da zadovoljimo standarde „zelenih gradova“, a građanima Zenice život učinimo ljepšim, kvalitetnijim i zdravstveno sigurnijim“, kazao je Fuad Kasumović.

VELIKA INVESTICIJA U CAZINU: SVJETSKI POZNATA KOMPA NIJA ULAZI U POSLOVNU ZONU RATKOVAC

ASTA je kompanija koja se bavi proizvodnjom namotaja za transformatore, generatore i različite tipove motora, a svoju proizvodnju za auto industriju u Poslovnoj zoni Ratkovac planira uložiti više od 23 miliona konvertibilnih maraka.

CAZIN, 24.12.2020. - Gradonačelnik Cazina Nermin Ogrišević i direktor Asta Bosnia d.o.o. Frederik Metlewicz potpisali su kupoprodajni ugovor o prodaji nekretnine u Poslovnoj zoni Ratkovac. Riječ je o zemljištu ukupne vrijednosti oko 580.000 konvertibilnih maraka odnosno površine od 50 dunuma na kojem austrijska kompanija ASTA Energy Transmission Componens počinje izgradnju svojih fabričkih postrojenja u narednih nekoliko godina.



Potpisivanje ugovora sa Astra Bosnia d.o.o.

Inače, ASTA je kompanija koja se bavi proizvodnjom namotaja za transformatore, generatore i različite tipove motora, a svoju proizvodnju za auto industriju u Poslovnoj zoni Ratkovac pokrenuće u punom zamahu s obzirom da za ovu investiciju planira više od 23 miliona konvertibilnih maraka.

„Ovo nije veliki dan samo za našu lokalnu zajednicu nego i za našu državu jer, svako radno mjesto i svaka fabrika su bitni, a ova investicija svakako je jedan itekako značajan iskorak. Naime, s ovim i naša Poslovna zona nastavlja svoj puni razvoj, a s obzirom na činjenicu da bi ovdje uskoro trebalo biti zaposleno i oko dvije stotine radnika u narednih nekoliko godina, moglo bi se kazati da počinje jedna sasvim nova faza u privrednom razvoju Grada Cazina“, istaknuo je gradonačelnik Nermin Ogrišević.

Nova investicija u Poslovnoj zoni Ratkovac realizira se prema planu aktivnosti što je za investitore od velike važnosti.

„Današnje potpisivanje ugovora prilika je da se zahvalimo gradskoj upravi i svim ostalim saradnicima na ovom projektu na susretljivosti, profesionalnom odnosu i otvorenosti za poslovne projekte kakav je ovaj. Nadam se da će naša saradnja i budućnosti biti jednako uspješno nastavljena, na obostrano zadovoljstvo“, rekao je Frederik Metlewicz, direktor Asta Bosnia.

Kompanija je već zaposlila prve radnike koji počinju s obukom u iznajmljenom prostoru u neposrednoj blizini Poslovne zone Ratkovac u kojoj uskoro počinje izgradnja objekta ukupne površine 20.000 kvadratnih metara, a cijeli projekat će se razvijati u nekoliko faza u narednih tri do pet godina. (<http://www.opcinacazin.ba>)



Vitezovi udruženja „RUSAG“

DUH SREDNJOVJEKOVNE BOSNE OŽIVLJEN U SREBRENIKU

SREBRENİK, 16.01.2021. - Građani Srebrenika danas su mogli uživati u nesvakidašnjim čarima srednjovjekovne bosanskohercegovačke historije. Naime, vitezovi udruženja „RUSAG“ iz Prijedora, koji obilaze gradove diljem BiH, i u našem gradu uspjeli su na zanimljiv način oživjeti historiju Tvrtkove srednjovjekovne Bosne. U duhu tog vremena, prolaznici su se na gradskom trgu mogli upoznati sa starim zanatima, viteškim borbama oružjem i oklopima. RUSAG je udruženje koje se bavi historijskom rekonstrukcijom razdoblja srednjovjekovne Bosne pod vladavinom Tvrtka I. Kotromanića i njegovih nasljednika.

„Dolazimo iz Prijedora, ali imamo članove i u drugim gradovima koji su okupljeni oko iste ideje, historijske rekonstrukcije i prezentacije perioda srednjovjekovne Bosne. Postojimo već nekoliko godina i kao i sva udruženja u BiH, malim koracima došli smo i do današnjeg projekta koji se zove „Tvrtko je i moj kralj“, rekao je Mladen Čikić, predsjednik Udruženja RUSAG.

Kako navode, svojim radom oživljavaju historiju i nastoje je na zanimljiv način približiti mladima. Sami izrađuju opremu poput mačeva, strijela, verižnih košulja. Daju sve od sebe da što autentičnije izrade vitešku i kraljevsku opremu. Rad ovog udruženja prepoznala je i Turistička zajednica Grada Srebrenik te je danas potpisan i Memorandum o saradnji sa udruženjem RUSAG.

Prema riječima Mate Jurića, direktora Turističke zajednice Grada Srebrenik, cilj saradnje sa ovim udruženjem jeste obogaćivanje turističke ponude u Srebreniku i njeno dizanje na jedan viši nivo, pogotovo zato što se ono što rade mladi iz udruženja RUSAG može savršeno uklopiti i upotpuniti ponudu Starog grada Srebrenika, kao jednog od najznačajnijih simbola srednjovjekovne bosanske tradicije. (www.radiosrebrenik.ba)

Udruženje „RUSAG“ dolazi iz Prijedora, ali ima članove i u drugim gradovima koji su okupljeni oko iste ideje, historijske rekonstrukcije i prezentacije perioda srednjovjekovne Bosne.

POZIV ZA UČEŠĆE NA OBUKAMA DIREKCIJE ZA EVROPSKE INTEGRACIJE

Na osnovu [Plana obuka u oblasti evropskih integracija za 2021. godinu](#), Direkcija za evropske integracije objavljuje poziv za učešće na obukama Direkcije za evropske integracije u prvom kvartalu 2021. godine (februar i mart) i poziva sve zainteresirane da se prijave za njihovo pohađanje. Kalendar obuka koje će se održati u prvom kvartalu 2021. godine dostupan je na sljedećim linkovima:

<https://www.dei.gov.ba/bs/obuke-bs-7> (bosanski jezik)

<https://www.dei.gov.ba/hr/obuke-hr-7> (hrvatski jezik)

<https://www.dei.gov.ba/sr/obuke-sr-7> (srpski jezik)

S obzirom na epidemiološku situaciju, sve obuke u prvom kvartalu 2021. godine će biti online, tj. održat će se u formi webinaru. Zainteresirani za učešće na planiranim obukama mogu se prijaviti popunjavanjem prijavnog obrasca koji je dostupan na sljedećim linkovima:

https://www.dei.gov.ba/uploads/documents/prijavniobrazaczaucescenawebinaru-2_1601557933.doc (prijavni obrazac na bosanskom jeziku)

https://www.dei.gov.ba/uploads/documents/prijavni-obrazac-za-ucisce-na-webinaru-hr_1611670382.doc (prijavni obrazac na hrvatskom jeziku)

https://www.dei.gov.ba/uploads/documents/prijavni-obrazac-za-ucisce-na-webinaru-s_1611670382.doc (prijavni obrazac na srpskom jeziku)

Popunjen prijavni, obrazac sa svim traženim podacima, Direkciji se dostavlja faxom na broj 033/255-001, ili mailom na adresu DElobuke@dei.gov.ba, do datuma koji je za svaku pojedinu obuku označen kao krajnji rok za prijavu.

Narednog radnog dana nakon isteka roka za prijavljivanje na web stranici Direkcije bit će objavljen dnevni red obuke i lista polaznika čije su prijave za učešće prihvaćene. Dnevni red i lista polaznika svake konkretne obuke bit će dostupna na sljedećim linkovima:

<https://www.dei.gov.ba/bs/lista-polaznika> (bosanski jezik)

<https://www.dei.gov.ba/hr/lista-polaznika> (hrvatski jezik)

<https://www.dei.gov.ba/sr/lista-polaznika> (srpski jezik)

U slučaju spriječenosti da prisustvuje obuci polaznik je dužan o tome obavijestiti Direkciju pismeno, na isti način na koji je dostavio prijavni obrazac prilikom prijave na obuku, i to najkasnije do 12 sati radnog dana koji prethodi obuci. U obavještenju kojim se otkazuje učešće mora biti vidljivo da je kopija istog dostavljena neposrednom rukovodiocu koji je odobrio pohađanje obuke.

Za dodatna pitanja možete kontaktirati na telefon 033/255-377 ili na adresu DElobuke@dei.gov.ba.

NAJAVA OBILJEŽAVANJA DANA OPĆINA / GRADOVA ZA MJESEC FEBRUAR / VELJAČA

08. februar/veljača - Dan Općine Odžak. Tog dana 1996. godine prvi povratnici predvođeni policijskim snagama vraćaju se u svoje domove.

20. februar/veljača - Dan Općine Bužim. Na taj dan 1995. godine Predsjedništvo RBiH je Uredbom sa zakonskom snagom formiralo Općinu Bužim.

21. februar/veljača - Dan Grada Ljubuški. Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.

22. februar/veljača - Dan Općine Jablanica i dan sjećanja na oslobođenje grada u Drugom svjetskom ratu.

22. februar/veljača - Dan Općine Jajce. Datum je ovo prvog pisanog pominjanja grada Jajca 1396. godine u Povelji iz dubrovačkog arhiva.

23. februar/veljača - Dan Općine Velika Kladuša. Ovaj datum je značajan kao sjećanje na prvo oslobođenje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.

26. februar/veljača - Dan Grada Bihać. Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.

29. februar/veljača - Dan Općine Ilijaš. Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.




USKORO NOVA WEB STRANICA SAVEZA OPĆINA I GRADOVA FEDERACIJE BOSNE I HERCEGOVINE

Savez općina i gradova Federacije BiH ušao je u završnu fazu izrade nove web stranice.

Sadašnja web stranica izrađena je 2011. godine i sadržajno još uvijek u potpunosti zadovoljava potrebe Saveza. Međutim, kako je tehnologija napredovala i mnogi dijelovi stranice su u tehnološkom smislu zastarjeli, a provajderi ne omogućavaju update, zbog čega nekom sadržaju nije moguće pristupiti, Savez se odlučio da pristupi izradi nove web stranice.

Nova stranica će grafički i vizuelno sadržavati elemente nove grafičke karte Saveza i pružati korisnicima lakši i brži pristup sadržaju.

Očekujemo da će stranica biti aktivna u drugom kvartalu ove godine, dok će prenos sadržaja sa stare stranice trajati duži period.



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu proslijedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.